



## PRIMAVERA

---

Primevere è su la puarte :  
salte fûr la lisiarte,  
cirche l' ore dal misdi  
va cucànt pe buse il gri ;  
su pai prâz son i zupèz  
che distirin i sghirèz ;  
slunge il cuel, su pal cisòn,  
s' intortole l' urtizzòn,  
e da pît jé la viole  
odorose che console ;  
l' è za in flor il mandolâr,  
al à i pindui il noglâr.  
E a la fin jé la nature  
dute quante in bulidure,  
e no pò plui tigní dur :  
sint bisùgn di rompi fur.  
Primevere benedete  
dut il mont l' è che ti spiete :  
sù da brave, ven in cà :  
no sta fáti sospirá.

P. ZORUTTI.